

نسخه سی ۱۰ غروشد

صاحبی، مدیری، محرری



اسلامك نفعنه خادم مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظر دقته آئينير .

كلن يازيلردن شايان قبول كوردولنلر
تاصيح سيرايله درج ايديلير .

عدد : ۳۵

مخفصل

۱۳۳۸

دینی، علمی، ادبی، اجتماعی و شمیم بیک
شهری مجموعه در

۱۳۴۱ رمضان مخصوص نسخه

اداره خانه سی : آفسرایده
ملا کورانی محله سنده مهتر
سوقا غنده ۳ نومرولو خانه

مراکز وزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۶۰ غرویش
آلتی آلتی ۳۰ »

جلد : ۳

مذمرجات :

مخفصل دینی و علمی : رمضان شریف - طاهر المولوی . جمعه نمازی - طاهر المولوی . اوقات صلات -
احمد ضیا بك . دلم اسلام و عرقلر مسئله سی - سعدی بك . علم انواء - طاهر المولوی .

مخفصل ادبی : مناجات - صادق افندی . نایه و حضرت مولانا یه - طاهر المولوی . ایکی رباعی -
توقادی زاده شکیب بك . غزل - حسین و صاف بك . غزل - طاهر المولوی

مخفصل تاریخی : حضرت عائشه - فخر النساء کمال خاتم . جعفر بن ابی طالب - طاهر المولوی . اسعد
دده مرحومه دائر بعض خاطرات - طاهر المولوی .

مدینه ده بولنان جماعتك داخل غوغارده، تحقیرده، واستخفافه میل ایتسنه قارشی ایدی. بناء علیه دعوت آنجق عربلر، یاخود اونلر آرمینده تصادفاً بولنان بعض اجنیلر، آفریقائی، یونانی و عجم اسیرلر ایچون وقوع بوله بیله جگندی. الله، « مؤمنلر بربرینك قرداشیدر » دییور و بو سوزینه استیزانی، ذمی، سوء ظنی شدتله منع ایتدیکنی علاوه ایدیور. بوندن صکره بر آیت کلیور که بتون اقوام و یا عمر قیلر آرمینده کی مساواتك موجودیتی قبول ایدن مسلکك اساسی عد اولمش و حتی « عرفلر آتی » تسمیه ایدلمشدی. عرفلر حقنده کی بر چوق تألیفانده بو آیه اهمیت ویرلمشدر. چونکه بوراده - حضرت (محمد) ك یالکیز عربلره قابل تطبیق اوله بیله جك ظن ایتدیکی - عمومی بر برنسیپ ذکر اولمشدر: « یا ایها الناس انا خلقناکم من ذکر و انثی و جعلناکم شعوباً و قبائل لتعارفوا ان اکر مکم عندالله اتقیکم ان الله علیم خیر - سورة الحجرت »

ایشته ؛ اشکال خارجی ده و خاصه لرده کی غیر مساواتك ساده بر ایضاحی : فردلر و غروپلری بر بوندن تفریق اتمک یارامق. مع مافیه یکانه مصداقك دیندارلق اولدینی و بناء علیه بر انسانك الله و یا همجنسنه قارشی طور و حرکتی اساس اتخاذاقلدینی بیان ایدلمشدر. (مابعدی وار) سمدی

معلومات جاهلیه حقنده بر قوتفه رانس

(مابعد)

علم انواء :

جاهلیت علومندن بری ده (علم انواء) ایدی. انواء کله سی (نوء) لفظنك جمیدر. نوء : مشقته طوغر و لوب قالمق، آغیر بر یوکی کوچ ایله کوتورده بیلمک، یوکل ثقلتیله دوشمک معنایینه مصدر اولدینی کی ییلدیز دوشمه سی و غروبه مائل ییلدیز مألنی ده افاده ایدرمش.

قاموس ترجمه سنده نوءك شو معنایری یازیلدقدن صوکرده منازل قردن بر کوکب فجر طلوع ایتدیکی هنکامده مغربده افقندن ساقط اولوب آنك رقیبی همان اول ساعت مشرقدن اكا مقابل طلوع ایله مکدن عبارتدر. شارح دیرکه اشبو نوء خصوصندن بین العرب اون اوچ کون حکمی واردر. آندن صوکرده منازلدن بر کوکب دخی نوئی اعتبار ایدرلر. اون اوچر کون، اون اوچر کون آخرسنه یه وارینجه. لکن منزل جبهه ده اون درت کون معتبردر. و بعضلر طالعی و بعضلر ساقطی اعتبار ایله دیلر. و عربلر یا غموری و روزکاری و سائر اخداث و اوضاع جوی آگاه و واسناد ایدرلر. « قاموسده ده بیان اولوندینی و جهله عربلرجه حادثات جویه بو علم ایله تخمین و بو علمده ملکه سی اولانه (نوء) تعبیر ایدیلیدی. فقط صوکرالر عقیده صائبه تأثیر یله صیجاق، صوغوق، روزکار، یا غمور کی حادثه لر، هپ ییلدیزلرک طلوع و غروب نه حمل اولوندی و ییلدیزلر، ارضك تمامیه مؤثر و مدبری طانیندی.

محترم نعیم بك افندی، براز اول بحث ایتدیکم مقاله سنده بالمناصبه دیوردی که :

« اسمی خاصه قرآن عظیمده مذکور اولان (شعری) بعض قبائلك معبودی اولدینی کی بر چوق ییلدیزلر ده یا غمورده، قوراقاغه، صوغوغه، صیجاغه، برکته، قحطه سبب عداوونور و طلوع و غروب لریله بو کی حادثات وقوع بولور ظن ایدیلیدی. لسان شریعتله رد اولونان (علم انواء) عرب جاهلیه نك بك مقبولی اولان علملردندر. اهل انوایه کوره بو کی حادثات مهمه یه علت مؤثره عد اولونان ییلدیزلردن (سرطان، شرطان، بطین، نجم، یاخسود ثریا، دبران، هقعه، جوزاء، عذره، ذراع، شعری، نثره، طرقة، جبهه، حرقة، عواء، سماك (اعزل و راح) غفر، زبانی، اکلیل، قلب العقرب، شوله، نعائم، بلده،

محفل ادبی :

مناجات

مرفوع در گه کدر دست سؤال ، یارب !
 تصویر ماجرامه یوقدر مجال ، یارب !
 ایتمز بوکا تحمل ظرف مقال ، یارب
 سوز دل ایله مکده تصویر حال ، یارب !
 ای عالم خفایا ، دردم سکا عیاندز :
 ایتدی بنی پریشان رنج و ملال ، یارب !
 قالدیرماز اولدی ضعف بار حیاتی آرتق ؛
 اولدم خمیده قد و زر و بال ، یارب !
 یاقدی بنی بیتیردی برق جلال ، یارب !
 مغلوب قهره یوقی نور جمال ، یارب ؛
 ابواب زهدی چالدم ، باب نجات صاندم ؛
 کوردم ، که هپسی باب راه ضلال ، یارب !
 ایصال ایدرمی زاهد بر مبتلای عشقی
 کبر سه کندیسندن بوی وصال ، یارب ؛
 لطف و عنایتکه کندک یتیش والّا
 مقصوده واصل اولمق امر مجال ، یارب !
 امر دعای آلام تنزیل محکم کندن ؛
 لطف ایسته دجه کلدی قهر و نکال ، یارب !
 واردر یری ایدرسهم سندن سکا شکایت ؛
 سنسر دکلی ا کوان ، وهم خیال ، یارب !
 یوق باعث تسلی بر احتمال ، یارب !
 ایتسه ایدر دموم تسمیر بال ، یارب ؛
 محروم امن و نورم ، مسلوبدر حضورم ؛
 کچمز بر آنم اصلا بی انفعال ، یارب !
 بر نظره عنایت ایلر بو عبدی صادق
 یا ذالجلال ، یارب ! یا ذالجلال ، یارب !

نایه و حضرت مولانا

عرض ایدوبده صدر پرسوزنده داغ لاله‌نی
 بولمق ایستر نفخه نيزنده فیض ژاله‌نی

سعد الذابح ، سعد بلع ، سعد السعود ، سعد الاخیه ،
 دلو ، سمکه) کبی کوا کبک طلوعی بزم منجم باشی
 تقویمک صاغ کنارنده (مواسم واحوال کوا کب)
 خانه سنده کوردیکمز شروحه بکمز احکامک وقوعنه
 دلالت ایدرمش که حالا بزم تقویم کرده دوام ایدوب
 کلن بوقیلدن اشارت اوعصر لرده تجاربک تمادیسندن
 باشقه برشی دکدر »

قرآن کریم (والشمس والقمر والنجوم مسخرات
 بامره) آیت جلیله سیله اجرام سماویه نک امر السہی به
 مسخر بولوند قلمزنی بیلدیردیکی کبی بنی کریم علیه
 الصلاة والتسليم افندی مزده « فلان ییلدیزک تأثیر یله
 یاغور یاغدی اعتقادنده بولونان ، ییلدیزه ایمان
 واللهی انکار ایله مش اولور » مآلنده کی حدیث [*]
 ایله کوا کبک بعض خصوصانده تأثیری اولسه سیله
 بونلرک آنجاق بررسب اولوب مسبب حقیقی آنجاق
 الله تعالی بولوندیغنی بیان بویوردی .

علم انواء ، اجرامده قدرت وتصرف و همی
 کبی صاحب الفیله برابر روزکارلرک جهت هبونی
 تعیینه و (علم مهاب الرياح) ک ظهورینه سبب اولمش
 وبوسایه ده شمالدن اُسَن روزکاره (صبا) جنوبدن
 اُسَنه (دبور) شرقدن اُسَنه (جنوب) غربدن
 اُسَنه (شمال) ناملری ویریلشدر . بر حدیث شریفده
 « نصرت بالصبا و اهلکت العاد بالذبور » بویورولمشدر که
 « بن ، صبا روزکار یله مظفر اولدم ، عاد قومیه ده
 جنوب روزکار یله هلاک اولدی » مآلنده در .

مابعدی وار طاهر المولوی

[*] قال صلی الله علیه وسلم صبیحة لیلة الحدیبة لما
 صلی بهم اتدرون ما قال ربکم قالوا الله ورسوله اعلم قال
 قال الله عزوجل اصبح من عبادی مؤمن بی وکافر فاما
 من قال مطرنا برحمة الله وفضله فهو مؤمن بی وکافر
 بالکواکب ومن قال مطرنا بنجم کذا فی رواية بنوء
 کذا فهو مؤمن بالکواکب کافر بی - بخاری .